

近代中國史料叢刊續編第三十一輯

沈雲龍主編

城西草堂詩史

程嵩齡編

文海出版社有限公司印行

中華民國六十五年六月出版

近代中國史料叢刊續編 第三十一輯

精裝：十二冊
定價：新台



編著者：沈雲

發行人：李振

華龍

臺北縣永和鎮中興街99巷8號

出版者：文海出版社有限公司

郵政劃撥戶二七八八四號

電話：九二一二六五九號

印刷者：東南印製廠有限公司

台北市西園路294巷15弄17號

經銷者：全省各大書局

行政院新聞局出版事業登記證局版台業字第〇四四九號

城西別業記

古人所以有別業者，大都以居室為煩，而別業較靜，因其別營於外，故曰別也。菟裘而後不可勝紀，若謝傅之東山，裴相之午橋，其最著矣，而皆不若右丞之輞川，照耀千古，令人歌咏不衰，蓋右丞本詩人，而輞川之幽，尤在墟里蒼翠間，不同於山墅之綠竹，綠野之車馬，有得於荒僻之趣者多也。海陵無名山大川之奇，舊時一二園亭，如俞氏之漁壯園，繆氏之清響園，瞬皆荒廢，罕有存者，祇宮氏之春雨草堂，其基址在今之小西湖，而又湮蕪不可復識矣。百餘年來，傾圮者多，創建者少，固其地運使然，其六丈之經營

土木者，不免失之侈歟。竊嘗謂人生逆旅，百年過客，游觀之所，不必模山範水，雲謫波詭，峻其宇而雕其牆也。惟當前寂寥之區，苟有淺林修竹，映帶其間，無在不可以流連，誠有其地，茅屋數椽可矣。蓋有愈樣愈真，愈闊愈妙者，又奚取繁縟焉也。然而窘於境者，有其胸襟，而難以卜其成，豐於資者，拓其規模，而不肯為其簡，故二者交失之。城中西南沈莊，數頃地，聾雨耕烟，翳然桑麻之村，三家五家，隔水望之，不啻桃源也。主人於是慎選其佃，去其嚮之惰者，徙勤苦者家於斯，俾之咸知力穡，先教其本業，又以農隙之餘功，遺其累土為小

草，繼又植棘焉。雜蒔花樹於中，然無屋也。茲則移其柳，灼其桃，一切梅桐榆槐皆蔚然而葱蘢。乃始為屋五間，茅茨其風，陶匏其器，如斯而已。茲為條約於壁，客至無儀文之繁，小酌底菜根之咬，凡以称乎其地也。予聞之，覺與素性最合，雖地之奇奧，未能如輞川之竹里、柳浪、茱萸汎、辛夷塢諸勝，而真率之味，殆將過之。誰謂此壤不可作華子園哉？予與主人交最洽，故亦欣然樂為裴秀才也。主人嗜吟，予亦同癖，唱和之歡，可終老此鄉也。主人者誰？同里尤氏振玉、柳村昆仲也。

U.S. GOVERNMENT PRINTING OFFICE

18

城西草堂詩史序

城西草堂之建築，蓋始於清道光，至今百年耳。最盛時可致者，
蓋在道光二十年庚子後，賓朋讌集，詩酒倡酬，僅十數年而粵事
近矣，揚鎮失陷，江南北之名士多集泰州，奈有其地，有其客，而主
人無心招待，實一大憾事也。荒廢之由，曷勝浩歎！余自幼喜過其
地，必流連至再，其時迴廊之茶竈猶在也，屋後大竹，猶百尺千霄
也，門外垂槐，猶龍爪盤擎也。堂前松屏，猶蒼翠茂密也，四圍綠樹，
一溪碧水，天然之園畫，不減富年。爰於民國三年甲寅夏四月，築
屋三楹，鄰近草堂之南，開窗北向，賞野趣也。落成後，書額紀事，為

愛樹色葱蘢，偶檢叔祖小松公新繁署內題額因樹園三字搨本，持於辛酉歲鏤而新之，藉明志也，且地係小松公產，食德報本，後人所宜。其時中表尤望三同學尤晉孫均在世，詞章均有研究，惜惑於家事，不免對於先人經營之園林，無暇整理，此又一憾事也。中間僅海樹先生砌圓門一座，望三補梧樹四圍，近已合抱可觀矣；又將茅亭葺而新之，仍有時惟工拾屋編簷，期無再廢。奈終有願莫償，而歿者旋踵，溯自余目睹所及，如海樹先生暨望三兄弟，伯符兄弟、晉孫兄弟，及嗣宗、孝叔，皆該草堂之子孫，而不復見矣！草堂固有之詩書畫冊，晉孫售出不少，此冊係辛巳七月二十六

日，姪婿尤木生宴客城西，邀余入座。是日携示其先人尤霖山先生詩集抄本，及備儲鄰舊藏草堂倡和詩，余於陪客之餘，展讀未竟，當囑借余一觀。霖山先生詩集，讀後即還，當步集中賞桂二律韻，書贈木生，認當日之事實，並喜園林之可復舊也。迨十月十八我介第六寢日，木生又攜草堂倡和詩末，供余覽，余欣然手錄一本，計八日尤亨，仍還之，莫笑老眼昏花，聊愧世之惜抄孤本，書歷久不歸原主者。書既還後，胸襟一快，因更搜羅集，補入各詩，薈聚成冊，今年編次，並立改事蹟，附於篇末，名曰城西草堂詩史，冀留他日徵文攷獻資也。嗟乎，地運不興，人事終拙，高堂大廈，朝而

裝潢暮而灰燼者，且不知凡幾矣。遐想當日沈家園，早經地以姓傳，斷非無人經營者，或廢於吳張陷城後，故載籍無所徵，或其主不似春雨草堂之宮紫玄，且不如城西草堂之尤柳村，宜其名字不彰於後世。今讀春雨草堂之別集，固依然在也。城西草堂之吟詠，雖未窺見原稿，幸遺留有抄本，藏之儲鄰錄後，悉心辨之，蓋出於南鄉姑丈之手筆，故附和詩一章，展轉入於儲氏者，倘非儲代收藏，則其卜築之精神，與夫賓朋會聚之興趣，從何窺及？况由二十八年三月二日，城西駐兵，至七月二十六日，城牆漸拆，八月六日後，大役興矣，鄉之人靡不徵工來，分堵去，人聲潮湧，鏗鏘雲集，

向所謂古堞雲帆者，一變而為環城車路矣；向所謂草堂課讀者，一變而為衛士荷槍矣。是時電燈電話，一改舊觀，雖衡之當日，如嚴公枉駕草堂，杜工部詩所謂竹裡行厨洗玉盤，花邊立馬簇金鞍者，不是過也。回首年半行路之難，籌避飛機之設備，皆迫於不得不然。至二十九年九月十日後，方遷岳塢側之僧舍，仍宮氏春雨故址也。斯時城西之景象，忽而一變，舉前所蓋草屋十數間，祇留兵守，鄰近之耕童牧豎，却未敢越一步。方私幸園地獲安，奈逮延一百十日至十二月二十八，又駐楊督屬，及其軍人一排，此三十年二月二十夜間，所由接觸開火，比天明而草堂全圯矣。俾余

不忍卒讀開府之小園賦者，以花無長樂心也。然已飽嘗虛驚矣。
及今思之，能使余妄心抄書，游觀藝圃，想係園主人神魂默注，欣
梅柳之回春，指帆檣之環樹，致促成木生今秋之謙集也。詩史既
成，草堂不朽，余忝屬南鄰，援浣花錦里先生例，本可附帶傳世，故
不嫌敘事之冗且雜也。至光氏初創草堂之經過，有城西別業記
一篇在，雖不敢定誰氏作，應冠之首，當詩史之前敘讀。時十二月
冬至後一日，畊僧程嵩齡序於因樹園之瞻樓。

城西草堂詩史目次

城西小築招飲口占八絕

顏 壇

遊城西草堂即事題贈

程祥芝

城西草堂邀飲賦贈

俞霖澍

辛丑午日雨中復遊城西小築

常 增

辛丑午日冒雨遊城西小築

康釐祥

和前作

尤 璋

越四日重遊城西小築南鄉兄適和拙詩書箋見

贈仍用前韻作禽

康發祥

約遊城西小築雨阻未果

田寶臣

題城西草堂

沈淳伯

城西草堂

陳文田

集陶靖節句題城西草堂萬以書感

陳文田

柳村招飲城西賞菊即席書感

趙瑜

柳村招飲城西賞菊

潘碧江

柳村招飲城西賓菊

夏嘯伯

柳村招飲城西

顏鑑澄

辛丑十二月十九日東坡生日同沈丈芍園康瑞伯

常高庵程小鄉夏仲瀟退庵集坡西草堂為芝翁

補祝六十壽即席賦詩紀事以蘇集中鵞行筆落

了不容恩二語今韻得了字

趙 榆

光奇招同小鄉諸子以東坡生日烹壽筍園先生携

詩赴約

常 增

東坡生日拈得二字

常 增

辛丑十二月十九日邀同夏照初常高庵康瑞伯程

小鄉趙漁亭集城西草堂為芝文忠公壽

沈殿春

東坡生日拈得鴟韻

沈殿春

辛丑東坡生日雅集

康發祥

拈得恩字

康發祥

枕上得二律和高庵韻

趙瑜

集錄南句

常存恭

城西草堂看梅分得淺字

陳文田

看梅分得疏字

沈殿春

探梅分得影字

常增

探梅用壁間庚子舊韻

田寶臣

壬寅七月十一日談善夫孫筱莊程小薌田少泉陳

研香等共十一人城西雅集次日詩以代柬

康發祥

癸卯率兄輩就試吳曉適草堂出紙索畫欣然作

此題之

甲辰春初入都城西草堂留別

金德輝

甲辰季春過訪留贈

程字光

遊城西草堂戲懷

王樹基

城西草堂十二景

程紹昌

城西草堂十二景

程字光

城西草堂十二景

康發祥

城西草堂十二景

陳恩溥

城西草堂十二景

趙瑜

城西草堂十二景

周葆淳

城西草堂集詠

陳文田

城西草堂十二景

俞霖澍

城西草堂十二景

田寶臣

城西草堂十二景

顏鑑澄

城西草堂十二景

顏某

城西草堂十二景

雪笠

客春過城西草堂寄懷一律

林退菴

尤柳村招同康伯山顏馨山謙集

陳金詔

遊城西草堂留飲賦贈

洪江保

遊城西草堂留飲賦贈

李嘉賓

東坡生日集彌陀菴暢談城西

丁應者

題句鐫竹上

無名氏

偶步城西草堂口占四絕以誌遊觀一快

朱綬

丙午春仲留句

韓鐵

丁未遊草堂 步王西州韻

徐桂馨

王樹基

丁未春同人携酒再遊草堂

韓鐵

丁未再遊草堂步王西州韻

同西州繡崖過草堂再步西州舊韻

徐桂馨

戊申六月十一日看荷留贈

王鴻業

己酉十月攜孫來泰院試由松林庵過訪西園留句

厲同勲

己酉春暮雨後過從

陳希仲

庚戌冬日再過草堂口占

陳廣德

草堂留贈二絕

周鑄

甲寅季夏四日草堂留飲賦贈

再題城西草堂五律五首

周鑑

題詞

城西草堂招飲即席賦贈

張慶瀾

城西草堂讌集

田寶臣

偕許文奉過西園

田寶臣

招看桃花之作

田寶臣

招看牡丹之作

田寶臣

題尤柳村南郭催耕圖

陳金誥

柳村招同筱雲伯山狗丈西園觀荷

趙瑜

琴川從古以五月十五日為大端陽是日招同馬石

樵堯年陳六舟彝吳讓之康伯山沈旭庭李冰叔

城西草堂雅集二首

趙瑜

同人過尤氏西園小飲致序

高爾虞

城西草堂詩文

城西小築招飲口占八絕

顧 塏 素 亭

當年原屬沈家園，舊址全無一點存。憑得胸中邱壑好，分明人到武陵源。

果然着手便成春，密密疏疏總出塵。我是閒雲終日嬾，者番不厭往來頻。

週遭花木盡成蹊，得得遊人路欲迷。滿眼詩情兼畫意，一春好景在城西。

夏木千章立翠蒼，北窗高卧似羲皇。一犁好雨田初潤，小立迴廊

看綠秧。

開軒不獨詰桑麻，風雨重陽滿菊花。
把酒持螯秋興足，自然瀟洒自繁華。

日滿書窗雪滿城，披裘人在玉山行。
一燼紅火三杯酒，借想見先生笑語傾。

亂耳奚容竹與絲，此中只合畫高詩。
天生絕調君家擅，伯氏吹埙仲氏箏。

玉樹亭亭似錦才，文壇更欲此中開。
寒家小草姿多弱，可許春風入座來。

按觀心室詩存，有乾顏爽亭先生句云：「伯道無兒原恨事，樂天有女竟難存。」可見其生平矣！

按學冊嘉慶十二年丁卯，顏培入學，與夏容同業。

遊城西草堂即事題贈

程祥芝 小薌

落日滿林薄，招我遊城西。
城西闢草堂，古木與之齊。
桑榆三四散，黍稷前後畦。
紅塵飛不到，綠竹往往迷。
人生行樂地，何為樊籠羈。
大笑出門去，鳴鳥枝上啼。

海陵斗大地，園林盡荒圯。
溯其創造時，始基非不羨。
心願既太奢，工程又復侈。
臺高而池深，易成亦易毀。
羨君性恬適，芝靜在知止。

茅屋結構成，容膝聊尔尔。可以宴朋友，可以長孫子。

二三良友至，稚子為欵闌。樽俎無多設，蘿磴相與攀。縱談及今古，
新詩時往還。春韭與秋菘，興致何閒閒。隔江有好山，在我襟袖間。
勞生苦行役，無田可躬耕。偶來閒曠地，輒生欣羨情。倦鳥或安巢，
游魚亦知叟。安得清風至，同看秋月明。示我琴一曲，飲我酒一罌。
高語羲皇上，並坐學長生。

城西草堂邀飲賦贈

俞霖澍 浩良

頻邀我喜開函，趣領烟霞境不凡。忙裡功夫多位置，淡中滋味
微酸鹹。南來直接東流水，西去遙懸北去帆。城畔林陰青石盡，夕

陽下處月先衡。

名勝年來半就願，獨開生面擅奇才。
人將蓬嶠疑初到，天遣雲山總受裁。
花樣任翻棋一局，清芬同領酒三杯。
城西別業東山墅，兩地遙遙亦壯哉。

偶然結構最幽佳，不是優游竟乞骸。
如此園林如此主，更誰塵市更誰儕。
魚鱗瓦淺霜封草，鹿眼籬多月到柴。
况復種梅留畫本，百
花頭上已安排。
裁梅極多

愧言漁壯久荒蕪，
澍家漁壯園久廢氣望東來興與俱。
地拓數弓心地闊，
花看一路眼花無。
飛觴亭榭多成趣，繞郭農桑總入圖。
有約他時

桃李盛，先生雅意作蘇湖。陳春齡子侄輩在此地會文，意

陳金詔觀心室詩存，有舟中贈俞汝良，即送其之沛縣廣文任詩

挾學冊，俞澍霖嘉慶二十一年丙子入學，道光十二年歲試一等第六名

補廩。

辛丑午日雨中復遊城西小築

常增高庵

前年午日遊楊村，我與振玉同芳樽，今年午日來小築，我與柳村
賓茅屋。君家昆弟何益盡，出處殊途總高曠，偶然踪跡此一奇，兩
度端陽得相傍。初至油雲暗遙浦，遊興能豪未嘗阻，不圖忽與主人逢，
小亭留聽跳珠雨。窗開高下烟霏霏，緣陰萬疊看逾肥，西南

迷茫勝苦雪，數頃秧陂正新插。人生鹿鹿將奚為，天然真樂惟茆茨。
此間風景舊所賞，無屋無亭亦孤往。况今亭榭新參差，那不戀此閑遊嬉。主人經營方未已，正思點綴林壑美。規模他日位置垂，
風雨雪月靡不可。茲來已過黃梅天，一雨剛沃桑麻田。須臾雨止，
蒼翠滴，徜徉籬外觀其全。梅花百株菊三徑，更想春秋境，弥勝吾儕老矣。欲何之，日日當來坐蘿磴。

接學冊，常增嘉慶十六年卒，入學與吾先祖小香公同業。

續纂揚州府志人物文苑載：常增字高庵，道光五年拔貢生，至孝，聰慧過人，好學不倦，著有儀禮瑣辨、一松樓文稿、編年詩抄、高庵詩話、竹葉山房

意，涯，雨，主，屋，齊，畦，

接學冊，康發祥嘉慶二十四年己巳入學，與夏蓮及吾叔曾祖文伯公同

案。

和前作

尤 增南卿

城南古木如蟠蛇，槁西小築能容跔。
青秧新穎齊鷺鷗，紫藤屈曲喧蟬衙。
沿河惟看楊柳繞，開門不見紅日斜。
猥蒙長者枉車駕，縱談往事芬齒牙。
下筆千言擬鳴鳳，奇論疊出嘲井蛙。
唱酬直與因野憶，主賓不聞言笑譁。
雨後玲瓏侵履滑，林杪隱約城堞遮。
艾懸當門止留葉，荷浮曲沼遲作花。
寺鐘忽動林以外，嚴君尚在天之涯。
安得頻種南山豆，與君大嚼東陵瓜。
悔吝不及塵世事，荒唐免

生來日嘆願隨先生游藝圃，每於暇日來田家。

越四日重遊城西小築南卿世兄適和拙詩書箋見贈

仍用前韻作答

康發祥伯山

水車聲確骨脫蛇石磴回旋涎塗蠅園亭圍杜地名曲文章屈宋官使衡雨腳蝕日白晝匿雲頭露月黃昏斜忽荷新詩贈素箋重來舊調翻紅牙名駒蹀變作騏驥凡蟲噪聒嗤嗤蛙麌蘪香斟玉瓊溢竹風響答銅鑄謳闋情更起舊雨恩謂振玉指眼不怕浮雲遮我詩槎杼似古木君才發越生新花大器那復量斗石洪河何處為津涯竹林杖履絜小阮南皮謙會浮甘瓜廣廈能庇杜老願

有田不歸坡公嗟，宿鳥驚人復入樹。涼螢照我時還家。

約遊城西小築雨阻未果

田寶臣少泉

西南一角城周遞，中有百頃禾桑麻。名園結構真野趣，烟雲萬狀呈絲撚。近聞作屋足茗具，况當雨後添鳴蛙。已約康海入林去，兼偕常建穿三義。中途忽欲易齒屐，陳槁西畔輕還家。滌雨一作阻遊興，風爐悶煮山齋茶。紛紛競渡鬧何事，釵光鬢影殊津涯。吾儕輩跡偶繼浪，茲故麋鹿難偕廬。人生聚散信有數，何須馳想窮幽遐。俟君櫨檻置貶妥，乘興來看天邊霞。

接學冊，田寶臣嘉慶二十五年庚辰入學，與陳金詔及吾叔曾祖韜庵公。

叔祖小松公均同系。

題城西草堂

沈淳伯佚名

萬柳藏村，人家住，白鷗溪曲。但編蘿插槿，結茅為屋。門外湖波草
湖_雄不遠，清似練。懶前題句詞如玉。雨纔收，蕩漾一天雲，耕烟綠。初

西園光景尤佳。堪對賞，西園廟。常問訊，東籬竹。羨山林清福，此中獨享，

畫棟珠簾全不用。秋燈春酒隨時足。_用儘只清風明月不須錢，招

邀來滿江紅

來往千帆，行舟無數。水流城下溶溶。小亭對面，荒荻引邊鴻。那用漁舟前導，灌園叟。樓古之農。閑時去尋梅覓句，踏過小橋東。春

風吹滿東垂楊飛絮芳草成叢聽岳邊樵唱鄰寺疏鐘聞道西堂
結構草亭有春雨家風宮氏春雨草堂花徑掃園蔬野茹人醉夕陽紅滿
庭芳

城西草堂

辛丑

陳文田 魏鄉

小築遠人境草堂斜挹城推窗見山色補樹得秋聲天迴數帆出
村虛片月生夢勞逐塵鞅到此亦神清小橋隔流水望見梅花林
巢鶴不知處野烟如雪深尊罍有雲氣泉石自冬心天籟復何似
君聽空外音遂初堂不見一醉此堂中好友足今雨新篇多古風
山林百年在尊酒故人同刺有新堪負行歌興不窮

換是詩已刻晚晴軒集中。高注

授學冊陳文田道光九年己丑入學。

集陶靖節句題城西草堂兼以書感

陳文田 琥鄉

春秋多佳日，流目視西園。但道桑麻長，而無車馬喧。遲遲出林驛，暖暖遠人村。披草共來往，清晨聞叩門。百年會有役，舉俗愛其名。虛室絕塵想，林園無俗情。隻鷗拾近局，未雁有餘聲。眇眇孤舟遠，臨流別友生。歲月好已積，古人惜寸陰。重雲蔽白日，微雨洗高林。清氣澄餘滓，回飈開我襟。此中有真意，卧起弄書琴。靡靡秋已夕，寒華徒自榮。谷風轉淒薄，夜景湛虛明。往燕無遺影，暮鶴不肯鳴。

中宵抒遙念持此欲何成皎皎雲間月迢迢百尺樓揮杯勸孤影
撫劍獨行游試酌百情遠時忘百慮周徘徊無空止世路廓悠悠
園田日夢想向復逐無窮庭宇翳餘木平疇交遼風情通萬里外
流幻百年中素艳深可惜實由罕所同迴澤散游目飄飄吹我衣
天高風景澈草盛豆苗稀禹化相爭絳一觴聊可揮貧居依稼穡
孰敢慕甘肥延目識南嶺挈杖還西廬邈與世相絕時還讀我書
表安因積雪仲蔚愛窮居且極今朝樂身名固翳如寄意一言外
弱毫多所宣敝廬何必廣閒飲自歡然嘗鶴有奇翼池魚思故淵
榮華誠足貴於我若浮雲杜門不復出薄作少時鄰窮巷寡輪鞅

江湖多賤貧，厭閑世上語。念我意中人，嘯傲東軒下。聊為龍故民。

柳村招飲城西賞菊即席書感

趙瑜漁亭

十畝西原地，荒蕪不可經。偶然成結構，便是好林亭。落日橫城白，
寒烟繞郭青。數叢霜後菊，瘦蝶舞零星。

對此蒼涼色，偏勞折東拾。路隨紅樹近，人與碧雲遙。坐寂塵容減，
談深酒意飄。好煩姜白石。是日若瀟臺寫生絍

軒敞東西廡，巒奇大小山。何因夢春草，獨自掩柴關。終竹中年暇，

琴尊鎮日間。湯湯袁浦水，有客寄詩還。謂令兄樹

春雨風流蹟，銷沈二百年。君能繼清響，我欲悟前緣。觴咏無今古。

逍遙半佛仙，梅開知更好，還約早春天。

按學冊，趙瑜道光八年戊子入學。

柳村招飲城西賓菊

潘碧江佚名

小園瘦信賦才新，天與騷壇作主盟。
收拾湖山歸畫稿，周近岳 墓
西湖平韋風月入詩情。任他楊柳腰輕折，
曹未就 錄種得梅花味自清。
一角春城數椽屋，烟霞深處傲公卿。

消受閒閒十畝田，農家景物抵林泉。一犁春雨催耕地，四面香風種菜天。
世外漁樵同嘯傲，望中鶴犬亦神仙。
析薪不盡塵蠶累，以君

析薪園
明志 本與巖阿有宿緣。

平原十日儘追歡，勝地留賓菊未殘。人聚文星名士滿，

時值院試文人畢集

極一時詩酒之盛、詩我憐老圃晚香寒，醉鄉敢說千軍敵，詩律同敲一字安，

更有風流羊叔子，輕裘緩帶話更闌。

時守戎馬玉臺先生清談竟夕云

蚤從舊巷認烏衣，桂砌蘭叢一院齊。人物久推蘇大小，園林遙隔
陸東西。君家舊第有東山花前結社分牛耳，君於園內為後輩講學會主持風雅

門外歸鞅駐馬蹄，今既已振玉月滿荆庭同聚首，秋燈春酒向重題。

君撰振輶有春酒留賓秋燈課子句

按學冊道光二十一年八月三十日學院毛式郎歲試泰州。

柳村招飲城西賞菊

夏嘯伯俠名

余亦耽幽棲，苦無柴桑里。插脚厭人寰，翻如床下蟻。尤君得我心，
卜築遠塵市。城西槁草堂，闢地亦何歸。面城與城齋，形勢殊復異。
落成招朋儕，折柬飛片紙。余固久神馳，聞之意頗喜。衝風重行行，
是日
大風柴門欣在邇。主人出迎賓，躍然常倒屣。登高一眺覽，圖畫當
前指。老樹無醜枝，灌漑君獨理。朝挹城頭雲，夕餐籬邊藥。晚節有
黃花，深得淵明旨。開軒畝從橫，足可供芸芋。釣水魚在罶，課子書
列度。陶陶此閒樂，世事等糠粃。君家兩弟兄，胸襟超凡子。一則精
發畧，謂令兄振玉一則羅國史。各具匡濟才，詎同槃澗士。而君憇邱壑，
築室良有以。塵網難棄捐，息肩聊復爾。彈指白日過，流光去如駛。

行樂更及時。富貴胡可俟。勝地與良朋。缺一不可耳。高詠登騷壇。
飛觴開酒壘。一入醉鄉中。萬事皆可已。君看昔名流。零落半已矣。
春雨無草堂。清響贋頽址。耆舊不復覩。餘韻想簪履。安知百年後。
我輩不如是。留此觴咏區。庶幾繼前軌。我言涉骯髒。君不以為否。
君詩作龍吟。我歌如鼃俚。放筆吐胸懷。長言不能止。小休少樂郊。
奔馳苟暮齒。感君收菲材。竊願卜居此。有地可種樹。有渠可通水。
倘築謝家池。我更舟頻艤。明歲梅花發。寒香聞遞迤。踏雪賤子來。
訪君茅屋裡。

柳村招飲城西

顏鑑澄鏡夫

紅橋轉處綠陰稠，望見疏籬一角幽。流水環村尋草舍，斜陽滿塢指蘆洲。
豆棚瓜架人烟少，竹杖芒鞋我輩游。羨煞天然工結構，桃源休向武陵求。

高登亭子覽烟霞，郭外風光照眼賒。樓閣參差低樹杪，帆檣隱約去天涯。
平疇日落僧歸寺，古渡雲深客泛槎。何處清音聽急鼓，濠畔陣陣響魚叉。

龍蛇壁上字淋漓，粉布荆闌佈置宜。幽賞剗憐松竹蕙，閒情雅愛畫書詩。
巧將古堞為屏障，如此青山對酒卮。岳麓 謹野老亦知清味勝，荷鋤歸去故遲遲。

不具衣冠不送迎，蕭然只解踏莎行。
庭陳蔬筍何嫌薄，曲少然絲更覺清。
忙裡光陰塵俗溷，靜中風景畫圖呈。
主人一管生花筆，點染溪山分外精。

插學冊頽鑑澄嘉慶二十四年己卯入學。

辛丑十二月十九日東坡生日同沈丈芍園康瑞伯常
高庵程小鄉夏仲瀟退庵集城西草堂為芍翁補祝六
十壽即席賦詩紀事以蘇集中觴行葦落了不容思分

韻得了字。

趙瑜漁亭

頻年心旌苦戰掉，炯炯雙眸向空瞭。
須弥歛藏芥子寬，性靈恢廓

塵寰小，縱覽古今鳳麟姿。咸輸卵殼與胎跳，移我情者惟坡翁。
參
文字禪殊了了，昨夢迎五祖成僧。身輕頓覺如飛鳥，豈大解脫大
神通，抑或精魂幻縹渺。先生一去八百年，登天無極姿撓挑。化百
東坡膺龍真，似我何多亦何少。若蟻慕羣欽芳馨，是用偷閑屏煩
擾，引類呼朋得七人。揮麈清談愛草篠。草堂之主當世賢，千頃汪
洋度浩淼，風流歇絕思迴濶。快築牆壇建旆旄，青鳥飛來健羽翰。
棲引城西行佻佻，森嚴朔氣何沉冥。高堂碕礎低渺漏，野老種菜
各禦冬。原隰青黃陂色縹，畧約斜橫獨木支。曲徑盤蛇路竊徑，彷
彿櫛葉乍滅明。熠耀山花自幽窅，作老龍鱗松蒼蒼。封千戶侯竹

裏。老屋三椽得地靈。危亭一角通天計。大小鹿眼編勻圓。種槿
作蘿厥名薰。亞尺有咫城垣低。雜堞參差互繁縹。登高眺遠鬱空
濛。園蔭遙迎霧峯崇。俯瞰川流似鏡平。荇藻紛披波瀨漾。黃樓赤
壁在人間。迥異塵囂而隘湫。咄嗟近市誠小人。不可嚮邇若火燎。
如鑑僅矣聊藏蘭。如風蠹然但依存。風塵溷跡將焉窮。往來貪利
紛糾謫。優游卒歲予亦然。惟期果腹飯餐晶。喧嘵聒耳兩部蛙。正
襟危坐顏色愀。米鹽瑣屑無時無。兜女青紅膝下遠。江皋橐筆返
故林。肅霜憤典毛色麤。曩者悲秋憶故人。儻將奇句納袖標。對茲
長嘯問青天。誰最驚人推謝朓。此意主人能先知。手把詩筒呼介

召其時風杳全風涼，殘菊數枝離落悄。粘花蝶翅尚粉香，飄葉蠶牛仍角觴。若姜肱作畫我歌詩，若酌以松屑和花鷗。謨謨後約尋前盟，訂此佳辰歲之杪。芍菊壽沈達丙子同，芍菊壽迦復此會為之兆。

釀金孚及瓠牒佳，珍錯移時使環繞。郎廚絡緯傳藏獲，不教柱喙悲蚊蚋。我儕後生如防風，赤腳蓬頭輸媿釤。肉揀鮑經判燔炮魚，依爾雅詳鱠鰐。餘則求異翻雷同，粵數冰盤堆餅斂。是日就中酒興誰最豪，白鬚老子強者鳩。仲撫掌獨辨虹蜺音，酌廣文嗜古情尤深。越康海常建銳莫當。高塵天馬行空異駒駢，日試萬言義手成。舜緩何能方楚懷，下視郊島為虫吟。多鼓軍聲破輕窓，獨程

夫子難久留，自笑雉鳴求有鷺。為彷先生愛羽雲，斷章取義佼人。
僚雖故及之，小薌新納諸君安坐請勿喧。三萬歡場惜分杪，驚鷗援鶴忘年。
交予末小子太眇，讀未見書慚黃杳。作千里駒愧劉杳，吾軍足
挫岳家軍。這世聊當趙士儻，薄薄酒兮吾能歌。歌成更捲膠西趙，
今夕何夕燈燭光。長揖先生薦溪治，先生豪氣空九州。豈獨詩名
冠江表，貫陸表疏相頡頏。大義微言日星皎，初論制舉次新法。
釐正綱紀解苛婉，格物務必澄其源。医疾先能察其標，脫令哲宗如
宣仁。或者先烈猶能紹，龍茶可賜香溫溫。蓮炬可徹光燄燄，黨同
伐異實不容。遠謫放廢傷集蓼，卓哉薦士歐陽公。顧學門生應斟

操，雖然畢竟能知言。求之近代，蓋已渺。翩翩笠屐，掀長髯，風馬雲
車，慙天矯。海水雖沒，瘴難埋，想見神完，蕙骨縞。今人視昔，後視今，
不及先生彭亦夭。神之來兮，精爽通；神之去兮，光景昭。心香一瓣，
祝微茫。化作爐烟半空裊，古之雪堂今草堂。與先生壽共歸邈。酒
闌客散，吾何之？謙鼓瑟，擊磬路深窮。寒犬村邊吠不休，枝頭凍雀
相囁。殷勤下榻，感陳蕃，覆以重衾加以炤。天憐病骨，光惟寒，盡盡。
春意蕭條，峰巒轉反側，不成眠。伸引手，終夜倚挑燈，起和險韻。
詩，和高庵二首是夕枕上作。夜如何其夜向晚，打窗疏雨，戛然鳴。彷彿磯頭笛
聲，嫋。

光奇招同小鄉諸子以東坡生日蕙壽芳園先生攜詩

赴約

常增高庵

眠鶯風沙叱犢鄉，市聲遠不到蘿門。
地堪雪月烟霞賞，詩共尤蕭范陸論。
吾輩偶然為此會，主人何用賦高軒。
明年三月逢春禊，望檣還來醉一尊。

梅花千樹屹山阿，何異霓裳咏大羅。
鄰有西湖比西子，馳漸小人未東閣。
祝東坡，騷壇久霸慚常建。酒國雖降健趙佗，
今日一杯為誰壽，細腰瞿鑠老詩魔。

東坡生日拈得不字

常增高庵

柳村重友于，棣華歌鄂不。閒情有幽築，平地已翁鬱。草堂新經營，
栗里堪攀躋。轉瞬三春榮，垂柳半天拂。此中看白雲，何暇慕朱紱。
冬未雪弥清，冷處梅漸崛。適祝玉局翁，爰集金粟佛。濃掣黑羊烹，
淡調凍蔬撾。肴檯紛陳酒，漿闌芒芴追。歡仙中人，忘跡塵外物。
末春復招邀，良宴待禊祓。

辛丑十二月十九日邀同夏熙初常高庵康瑞伯程小

鄉道漁亭集城西草堂為蘇文忠公壽 沈殿春芳園

蒼煙江城西，竭來似村落。主人尤延之，胸次豁邱壑。此中置園林，
誅茅敞飛閣。一亭翼左偏，坡陀種梅萼。方畝習治蔬，軒南百弓若。

霜痕滋甲芽，雨餘剗苗藥。以例先鷺翁，小圃偶寄託。一門樹清德，
羣從啟紅鑰，前引龍豹兮。蓮韻鳳翻錯，好客招應對。斷句比肪約，
腋集繕冊方。鎔成標煜爚，我獲縱觀之。倚坐傍鐫脚，前會吾不與。
茲游幸盡諾，臘月十九日。微雨止復作，用坡詩成爲壽坡公，挈榼到解脣，果或橐橐橐。釀豈酒薄薄，獻慶禮亦宜。頻來客不惡，賤辰
紀邇甲，秋月已逾却。云何儼昔賢，補祝並申爵。主人豐厨傳，諸君
漫斟酌。虎貢似中郎，毋乃資吟喙。惟許共唱酬，頃教欣瞿鑠。歸眼
眩紅綠，歸途迷畧約。年光轉晴淑，吾輩益恢拓。屈指梅花開重來，
歎索莫。

換學冊沈殿春嘉慶十一年丙寅入學。

東坡生日拈得觴韻

沈殿春芍園

梅花百樹漸舒芳，合為先生一舉觴。
塵海奔波當在宋，宗門依附共如黃。
光生英聲豈被遷流挫，直道何緣病若狂。
柳風味羨種疏重畱屋南方。

欣逢佳客晉霞觴，丙子從頭數不忘。
公生景祐三年丙子雅有園亭稱勝殘，
乞靈壇坫助詩鉉。廣陵曾賦青山句，陽羨誰聞碧嵇音。
今日誇讌都脫盡，一爲公起舞琳琅。

辛丑東坡生日雅集

康發祥伯山

太歲在辛丑，短景時蒼茫。天寒風日中，未登峨西堂。
坡公作生日，遺像瞻堂皇。英妙三五輩，各各酌一觴。因思公平生，遷徙殊無常。
景星與慶雲，眉山昔降祥。景祐三年冬，公生紗縠行。二十游成都，
公始觀國光。廿一舉進士，廿六判鳳翔。三十任甫滿，旋遭風木哀。
卅六乞外任，通守來錢唐。三十有八歲，贈饑歷潤常。舟中時度歲，
道路何匆忙。四十任密州，四五責受黃岐亭與臨臯。作詩歌琅琅，
黃州閱五載，定惠題海棠。五十知登州，海市觀茫茫。五一除內翰，
知遇實可傷。連章外請郡，五四出守杭。在杭多惠政，花柳餘芬芳。
年華五十七，由額更來揚。尋兼兩學士，適上定州航。紹聖落兩職。

安置惠州鄉。六十在惠州白水游山莊，濂州與儋州所入皆荒涼，茲游歎奇絕。始終公崛強，達中靖國年，渡嶺尋歸艎。其年六十六，舟行臨豫章。公薨即是歲，毘陵宅顧塘，命公出磨碣，作事多彷徨。買宅先焚券，田無陽羨糧，番禺有錢客，粵海少歸裝。信如老嫗言，春夢醒一場。憶公在朝右，每食君不忘。奏議比陸贊，行誼如范滂。兜童工織紋，所在必害妨。含沙憤射影，鬼蜮時譎張。而公最洒脫，松柏凌冬蒼。八九百年來後，先誠可望以公視。若輩沙數恒河量，壽公問公語，公怒狂生狂。時無真一酒，何以奠椒漿。時無玉祿羹，何以備茶湯。時無元修菜，何以盛筭筐。時無漢波魚，何以配鯉鰯。

座客無陳趙，朋儕無鼂黃。
吹笛無李委，吹簫無世昌。何以招公魂，
行見公坐床。食菓無荔枝，撰杖無桄榔。
供石無仇池，屏山無歐陽。
何以妥公靈，一一相扶持。公為卯君壽，所贈誰頡頏。
拄杖黃子木，觀音沉檀香。銀篆新合印，封寄皆瑩煌。
我輩明區區，私願安能償。
此地距京口，祇隔江水長。遐想公舊遊，磊落萬松岡。
公為香案吏，出入排天闔。奎星耿天半，入夜生光鎚。
何時復下降，為國成珪璋。
蘋蘩溫藻心，庶幾公來饗。作詩博公笑，一笑修髯颺。

拈得思字

康發祥 伯山

東風暮雨絲絲，缸面初開酒一卮。
紅燭樽前或雅集，碧雲天末

起相思，江山誤。蕩休文筆，人物風流紹聖時。倒載接籬歸路晚，此間便是習家池。

枕上得二律和高庵韻

趙瑜漁亭

雄風獵々響西村，壯鑰深深鎖北門。
鶴夢欲偕江上去，鴻飛聊共雪中論。
張為國畫無賓主，李委風流孰駭軒。
八百年來前後輩，人間天上總開尊。
龍翔馬芳

居然獨寐賦槃阿，模彼蒙頭勝猗羅。
地老天荒又今夕，參橫月落此山坡。
吠聲如豹驚裴廸，牛耳爭雄笑涉佗。
昨有人欲掘之，我為先生思晇息，偏於枕上動吟魔。

集劍南句

常存恭安鄉

軒檻有幽趣，况逢梅柳時。
蓋分新作茗，客誦舊題詩。
小壘荒寒外，迴廊獨立遊。
山園時節好，我欲往從之。

世外乾坤大，園林景物新。
讀書無定課，閒事養精神。
野步維漁艇，行歌多醉人。
東窓有佳處，築室鏡湖濱。

細路入叢薄，釣魚溪一灣。
天為碧羅幕，人立綠陰間。
烟水渺無際，漁樵自往還。
心期在虛表，書伴小窗閒。

破臘春先到，今五年正月一日泰山風野散香。
鄉鄰共雞黍，老坡生日諸老為壺觴。
會幽境繞羊腸，屏跡謝車馬。
明憲讀老莊，流年易拋擲。
擾攘誰

忙？

按萬年賡道光二十一年辛丑是年十二月二十五日立春。

城西草堂看梅 分得淺字

陳文田 琢鄉

聞雲得遠勢，因風自舒卷。素心偶相合，真契良不淺。
城西是春色，梅花知者鮮。主人誠解人，相招共遊踐。
榆柳半成圍，坡陀歷百轉。橫枝出雜落，疏影晝層巒。
蒼然萬花中，一洗紅塵軟。香光蕩為煙，花氣不可辨。
置身報芳國，清風送餘善。我聞孤山麓，妻梅得妙選。
至今明月下，飛鶴尚縷縕。又聞古會稽，卧梅最偃蹇。
屈蟠十丈餘，百花落蒼蘚。方今海水飛，東南罹兵燹。
梅花推為薪，小醜猶未殄。

吾儕無尺柄，偷生莫幸免。終日卧薜蘿，壯志安能展。世無召公棠，
何能歌勿翦？誰歎致此酷？首禍由王衍。權勝失酒後，淚為蒼生流。
梅花笑視我，勸我善排遣。毋為杞人憂，加餐幸自勉。坐中皆同好，
及此共流眄。丈夫貴立志，豈必在通顯。醉酒雖無聊，能忘時命舛。
醉取折枝歸，寒香猶可燃。

看梅分得疏字

沈殿春芳園

鄭莊真好客，折柬具新書。幾日花朝遇，今番柳葉舒。偷閑拋俗務，
有約殘言初。乍反淮濱鶯，旋開谷口居。風塵殊落落，穹海自疏疏。
細雷和烟破，橫枝帶月鉤。情投共邱壑，境寂最空虛。趁我忙蹊蹠，

採渠野笠儲，何曾風似剪。未屈月成梳，參隴青飛雉。溪波白少魚，
殷勤叩柴扉。不于到林於，勝踐先諸客。遐瞻越一廬，編蘿方覓槿。
穿水獲裁築，草淺侵蹄馬。槁逋孰跨驥，有心求桂竹。何處索棲櫟，
放足皆依圃。富頭好陟砠，西湖經久別。鄧尉又供余，鳳棟紅珊瑚。
清標白玉珽，暖榮欣綽約。逸興侶樵漁，寺鐘遙戛戛。家家爨晚廬，
激留謝傅蹟。地名沈家園，人仍紀其舊。主屋補杜陵苴。轉眼人爭集，傾襟應自如。
如燭痕猶壁角，帆影落城塹。小坐都成趣，清言已各撻。月俄驚宿鳥，
酒與掠浮蛆。嫩割銀鯈耳，烝殊玉鴨與。勸還區夏屋，豐略佐春蔬。
青鬢追河朔，自誤與小紅裙阻鉅車。小松新納姪，蟲逕挑缺牋。

蝶轉却蘧蘧。主人下榻備漁亭。此會開端始。先期迫歲除。漏船催
近堞。營礮遍周防。料得青禽睡。何當白鶴擎。勾留容灑脫。甫去更
躋躇。懷僻難逢會。錢拋合訂釀。客如叩東閣。隱欲伴長沮。采采親
蘭蕙。芳勞等櫟樗。聯吟同北郭。記事比南徐。七子詩宜賦。諸君博
有餘。佳人渺空谷。清夢繞吾閨。老去仍塗沫。明朝喚墨豬。

探梅分得題字

常增高廬

二月風光未交窺。一片陽春最清朗。奇葩可喜多嬌嬈。悅目何須
更昭晴。草堂每至神俱清。勝地未來意先惺。幾番版築成亭臺。次
第精嚴到器皿。鵝嘴鋤月千梅栽。蟹眼煎茶一爐圓。花時朗朗如

玉山柳色綠，勝金礦。宛然塵外羅浮村，不數人間大庾嶺。
變換香鷗雋而妍，梅映朝曦紅且素。潔於羨人非俗艷，醇如君子少妖
蕪。不湏翠羽喧啁啾，已較寬裳倍華麗。綽約一箇竹外枝，蟲俗千
家牆角杏，忽鳴醜顏歲在酉。誤引漁郎穴探而，壽陽作態花皆熟。
姑射傳神恩逾擇，未妨艷藻著冰肌。那問穠桃誇窈井，耀仙骨相
非孤寒，高士文章亦蔚炳。先開早奪紅萼階，索箋疑登紫薇首。蒙
情逸興多清幽，佳卉良衣相合併。主人愛客尋見招，吾儕有願不
敢請。最好此地閑町畦，近僅荒區比箕穎。籬外亂飛桑柘鳥，農家
自吹桃源獵。着力稻隰挑深窪，時改旱田為溉轉瞬秧波見新穎。

竹溪高岸遠鳴簫，參驪平騎欲抽鞭。今春雨霽舊來牟，去臘雪多

消蛇蠍。行看西城平捲浪，停卜南風富炊餅。史鑿小沽載裹荷，新開

躊躇有微波。浮翠存何時，淺渚來鳬鷺。他日繁聲聒蛙蟲，彈丸多

年苦局促。別業閑游慙憂惄，君恩於此息勞薪。君嘗折葵我亦相我亦相

從挂苓。看游觀即在桑麻鄉，低徊真是清涼境。面城滿酒座，數椽

負廊膏腴田十頃。毋好逸，豫書有箴。云胡不樂詩所警，人生方當

秉燭遊。花枝況未經雨打，春光欲興時人同。佳趣端宜閑處領，蘇

會英妙誰比。賢能森嚴不蠟猛，尊前雄辯競霏玉。醉裏單衣欲

換禮，便教排日賣酒錢。它可達秋能穠秉，無多舊雨此談心。不少

聞風盡忘顛。華筵循例各闋頭。錦囊得計聽歌郢。詩篇爭壓何遜。
清飯顆甘漱杜陵。猜情參許礮引鉞。野性何能弓受撥。問花如
些骨格奇。隨時胡亦顏色達。豈效璀璨趁脂韋。竟慕臘脂忘骨髓。
我謂些花殊不然。從來真品宜詳看。人重本色今已稀。世忌孤芳。
每為枝幻觀。偶爾見嬝媚。素性依然。寧耐瘦。詎緣蛇紫兼嫣紅。遂
異暗香與疏影。花間些語少精神。春在歡場逐馳騁。賴顧誰綺自
有真。青眼私遺。豈非幸。綠酒已罷任勾留。緯雪當前不知冷。寥天
虛白史。遐曠纖月昏。黃亦清耿。曲港好待通城壕。歸舟將期乘舴
艋。市河濱通。小舟可至。經勞工未土木畢。相度局已規模整。窺園雖異董仲

舒詠梅誰減林和靖，衡門相近心亦遠。陋巷能安跡富屏，但期編就枳棘籬。
庶幾可樂桑榆景，附艤前歲浪遊燕。殘書幾架久生蠅，老思以經為新禽。
誰云汲古乏修綬，青門倚得種瓜徒。綠野相携看柳瘦，不飲喜觀客盡醉。
遙飯那要人祝哽，闢河詞賦未謙庚。鐵石心腸豈殊環，敢因良宴樂陶陶。
更賀君家喜郎郎，百兩閨歌之子歸。一門欣得彼姝靜，紅梅詩與標梅殊。
雖鳳春偕彩鳳永。

探梅用壁間庚子舊韻

田寶臣 女泉

猶是斜川五日前，登山臨水疊延緣。
羞極到眼爭盈樹，腐草何時得化蠶。
節序侵尋天暖暖，陰晴俄頃氣相遷。
憑君且上高台望，城

上春雲已渺然

續纂揚州府志人物文苑載田寶臣字少泉諸生工制藝詩派出眉山而加以精鍊解注確有心得尤貫通許氏說文著有小學駢支八卷

壬寅七月十一日談善夫孫筱莊程小薌田少泉陳研

香等共十一人城西雅集次日詩以代柬 康發祥伯山

西園風景足裴徊，主客團成少長該。
善夫幼充萬
鄉暨良薦百事竟如秋扇葉，一樽特為晚涼開。
孫君操琴
世允品薰談樹燭紅薇是美材，我正韓塘賦行役，菊花時節訂重來。

續纂揚州府志人物文苑載康發祥字伯山歲貢生工詩古文詞性耿介

家貧以著述自娛，著有三國志補義伯山詩話、詩欽集文、小海山房詩文

詩若干卷，卒年七十八

癸卯年率兒輩就試吳陵適適草堂出紙索畫欣然作此

題之

金德輝
興化

楊柳絲、芳杏霏、草堂徑開。正方塘半畝經營伊始，小樓一角，待補將來。編槿掩籬，移鶯種樹，選竹還須手自裁。饒吟興，在霜欺晚菊，雪壓疏梅。知君大好風懷，喜擊誴分箋。些最佳，况身甘隱矣，長鏡短笠，客來不速，相憇棲鞋。春酒留賓，秋燈課子，我豈無情奈願乘深相羨，底重摹畫本，卧對茅齋。調守沁園春

甲辰暮初入都城西草堂留別

程宇光 蘭庵

春到名園事事宜，深杯入手那能辭。
闌前花竹新晴後，門外烟波欲別時。
小聚堪招吾輩客，此來為補草堂詩。
闌心紅藥千枝好，看遍豐台之念伊。

甲辰季春過訪留增

王樹基 西州

林泉不信在城隅，隱得高人俗慮無。
座上青樽開北海，堤邊綠柳度西湖。
詩多恍入香山社，地僻真適辋水園。
我仿小園題庾子，其間未免著屠沽。

遊城西草堂感懷

程紹昌 文伯

秋疏分綠滿寒畦，一覽郊原翠色齊。剛見蛾眉新月出，夕陽亭子
小橋西。

憶訪杏花風側側，坐着楊柳影丝丝。紙糊天氣茶燭碧，消受春風
暖若時。

四時竹樹不須猜，重約頻來逐徑開。最好春耕田盡綠，百花香遇
女牆來。

難得園林子弟賢，折薪園畫影翩翩。分明負荷生涯在，花氣書香
壓一肩。

詩琴裝成主客圖，花花葉葉費工夫。寄言破浪乘風者，細柳營前

憶得無。

最軟翠蓋斟仙液，晚折荷箇貯醕醕。
一段詩情清絕處，紅葉點上綠蜻蜓。

水上菜萸萸骨粉紅，枳蘿香綻菊花黃。
秋原看獵亭西路，閑說將軍已挂弓。

無端老鳳苦情癡，化去子痛憶鳩兒。放學時，或者採環羊叔子，重
來記誦草堂詩。

城西草堂十二景

程綠昌文伯

小橋環綠水，窺園得幽憇。
樹色淡晴烟，春痕有柳意。小橋烟柳

片帆白於雲，出沒白雲裏。女牆夕照紅，淡入魚霞尾。古堞嘗帆

蓑衣與箬笠，催耕南陌頭。但得攜鉏來，賣劍而買牛。南陌催耕

踏開白水闊，船入小西湖。東南衣帶水，莫惜伐菰蒲。西湖放棹

人日宴草堂，梅花照酒卮。吟回芳草綠，八十一脣肢。梅鳩春深

秋暑張火鑑，吹來荷葉雨。晚涼菡萏天，秋月如處女。蓮塘雨霽

老圃忽霜黃，寒蛩吟太苦。請畫草蟲詩，收入幽風譜。菊園吟蛩

何必乘軒去，梳翎竹徑斜。園中有鶴俸，石隙垂虺蛇。蕉廊調鶴

新涼觀燈火，人影草堂路。幼讀有用書，不徒在章句。草堂課讀

山鐘吼蒲牢，城闕魚夜噲。年時畫角聲，人高棲深首。岳阜閭鐘

一塔東南峙，朝暉耀金碧。與岩瞰軒亭，照見泮池筆。
一塔晴暉晻，雪盈滿把，不如化瓊裝。豐年見三白，何以傾萬觴。平疇積雪

城西草堂十二景

程字光嘉庵

繚繚范公堤，煙柳近餘幾。甘棠舊澤空，捍海失遺軌。斥鹵成瘠土，
況復受湖水。感時披斯園，三歎廢書起。小築烟柳

荒城大如斗，蔬圃占其半。郭外亦寂寥，草叢盈葑岸。東下近滄海，
去去風帆亂。避地有故人，翹首夢魂斷。古堞雲帆

種稻城之中，荒冷畧可想。出門謝舟車，咫尺落空曠。倚城作隄防，
歲歲報豐穰。不見北郭外，淮水欲論丈。南陌催耕

前年濬市河，僅可通舟楫。曾偕素心友，刺河得幽憑。西南更清奧，
老木雲水接。此地吾已熟，約召鶯黃葉。西湖放棹

水鄉不宜松，種竹易結鄰。但有幾樹梅，與君成主賓。春風景繁華，
能伴冰雪身。余將來草堂，為君圖喜神。梅鳴春深

辛苦栽盆荷，數花以償之。幽賞苦不足，何如鑿我池。舒榮得快意，
陰晴含新姿。此花號君子，本無酬相知。蓮塘雨齋

廩山有老鶴，曾識天顏來。雲宵志已歇，許我花間陪。此鶴倘見之，
相視如嬰孩。但願仙騎去，去即到蓬萊。蕉廊調鶴

蛩聲感秋氣，商音亂砧杵。猛知赴敵湯，將軍恥不武。壯懷感觸間，

聞者輒起舞，獨來菊籜根，涼飈初過雨。

菊園吟蛩

吾邑卑濕土，百里無一山。岳巒復蕡或岡阜，聯回環。老僧時假寐，霜杵殷松闌。鼙鼓聲未收，此境何其閒。岳巒閑鐘

君有五男子，膝前還有孫。升堂陳古義，雁序和且衆。鍾史貴有用，無取韻條繆。學成文武材，始識吾道尊。

草堂課讀

畫山勢高遠，有塔勢弥聳。平疇資遐曠，雲木助飛拱。林涼返照濃，彷彿金碧湧。遠景妙能借，此計豈鑿空。一塔晴矚

好雪恆知時，常在早梅後。客來只宜飲，寒氣逼戶牖。我與此園別，日月亦已久。有雪使放舟，就君醉一斗。

平疇積雪

城西草堂十二景

康發祥伯山

城西少行客，楊柳若為招。柔華慘綠中，春風扶過橋。

小橋烟柳

西門觀落日，角聲猛於寒。鹽輪墳張帆，一一城中殿。

古堞宣帆

冰窖時已深，阡陌豈無事。扶杖人催耕，何待長官至。

南陌催耕

湖中賣春雨，歌曲和船唇。繡懷宮太史，二百年間人。

西湖最憐

百花頭上開，高處一多處。何來姑射婆，綽約倚修竹。

梅嶺春深

一雨洗衆綠，萬葉靜不搖。香珠忽墮落，點々傾兔巢。

蓮塘雨霽

飼鶴鶴已肥，長廊步自得。誰謂仙胎禽，而不好飲食。

長廊調鶴

唧唧復唧唧，蛩吟自鳴時。秋士能警覺，灌花人不知。

菊圃吟蛩

庭月似霜白，書燈如豆紅。須知書種子，只在茅廬中。草堂課讀
衆樹遮不得，鐘鳴飛下山。晨昏三兩擊，僧老不能閑。每早聞鐘

浮圖寺門口，蒼蒼圍衆樹。朝曦影下地，一塔忽擣住。一塔晴曉

豐年見三白，到處白皚皚。特妙剪冰手，平疇試一揩。平疇積雪

城西草堂十二景

陳恩溥 小鶴

垂楊垂楊不辨村，迷離何處是名園。沿溪行逼橋西去，流水隨人
綠到門。小橋烟柳

林亭一角倚城闥，城外長淮水自春。多少風帆日來去，不知誰更
是閒人。古堞雲帆

一犁雨足近清明，布穀催人不住鳴。我似漁郎溪上過，桃花園裡

看春耕。南陌催耕

一棹隨風鶴觜船，依稀遙破六朝烟。
蒹葭秋水人何處，此樂遙遙
二百年。西湖放棹

下下高高雪似堆，不須東閣問官梅。
草亭一覽乾坤小，似海香從
下界來。梅堦春深

灣頭消夏醉荷簫，雨後香生水面風。
一鷺聳肩潭不去，夕陽看熟
藕花紅。蓮塘雨霽

寥空一鶴下深林，正是芭蕉展綠陰。
也似山中供給客，盤食費盡

主人心。蕉廊調鵠

重陽風雨最無聊，三徑陶家折東籬。
吟罷新詩人醉後，一燈蠟落伴秋宵。
菊圃吟蛩

青燈滋味昔年情，百尺修梧引鳳清。
最好四時花不斷，看花人聽讀書聲。
草堂課讀

如僧入定苦吟詩，月落星疏欲曙時。
一杵鐘聲搖過水，花間蝶夢尚迷離。
岳阜閣鐘

飛塔千尋倒影斜，海東曙色湧朝霞。
渾如一管凌雲筆，燦吐江郎五色花。
一塔晴暎

農家三白說豐年，萬頃平鋪玉是田。箋我泥鴻重印處，只知梅信

問通仙。平時積雪

城西草堂十二景

趙瑜漁亭

楊柳淡春烟，小橋露空碧。緣溪窈以深，隱居賦衡泌。一幘俛雲林，
於此得真蹟。小橋烟柳

古堞列晴空，帆檣自來去。高矗白雲飛，蒼茫亂指顧。一抹夕陽痕，
淡到鶴飛處。古堞雲帆

誠字耕田夫，依然結茅屋。每屆東作興，扶犁叱黃犢。杏花葛葉間，
春雨連宵足。南陌椎耕

欸灔小西湖，中有前朝水。風流寢歇絕，湖洞云未已。臨風發棹歌，
何處采芳芷。西湖泛棹

老梅千百株，絳春花怒發。周遭香雪海，長吟剝清越。為憶十年前，
荷鋤種明月。梅鳴春深

芳塘水不波，雨過氣軒爽。花葉紛雜披，低空焰漭漫。濂溪夫何如，
悠然動遐想。蓮塘雨霽

鶴兮汝駿來，名園與汝共。蕉廊依古人，起舞清影弄。感茲區々心，
豈因憩徵俸。蕉廊調鶴

老圃花事闌，陰蟲吟切切。空階聞無人，繁響剝幽咽。歐九賦秋聲，

燈宵達欲絕。菊園吟蛩。

佳兒讀父書，琅琅飄瀉水。紙窗竹屋中，時見阿翁喜，相期在遠大。
不以科名止。草堂課讀

岳阜高哉。自是宋朝土林木莽蕭森，荒涼陰彈宇。忽聞鐘聲來，
雷風欲懷古。岳阜同鐘

山郭愛晴曠，一塔橫空峙。阿育舍利光，終古照山寺。林亭固已佳，
點綴更高致。一塔晴曠

瑞雲滿平疇，荒寒渺無極。一大吠溪鷗，炊烟作暝色。有客策短筇，
閑訪梅消息。平疇積雪

按是詠刻漁亭先生晉孰室詩存，改錯係丘刻本。高注

城西草堂十二景

周葆淳金陵之

烟柳繞晴絲，小橋跨深水，一竿釣苔磯。著我畫圖裡。小橋烟柳
古堞環河流，清光涵戶牖，片帆天際來。是[?]我故人否？
叱犢耕原田，農人告春及。一鳴屋角啼，杏花紅欲滴。南陌催耕
放棹湖之西，烟波漾晴綠，相期汗漫遊。會心在渺瀢。西湖放棹
春風入梅萼，纔[?]屋枝橫斜。把酒宴東閣，一詩吟一花。梅塢春深
灼灼池中花，披披池上雨。雨餘花倍妍，夕陽紅一縷。蓮塘雨霽
虛廊停綠天，坐卧芭蕉影。月明來幽人，仙鶴眠未醒。蕉廊韻鶴

三徑開黃花，麥簾人比瘦。蟋蟀吟書窗，一燈小如豆。
菊圃吟蛩鑿櫟皮，奇書琳瑯絳滿目。先人有草堂，子孫毋廢讀。
草堂課讀偉哉岳少保，遺丘仍高敞。至今疏鐘聲，令人清夢魂。
岳阜閑鐘

清淺泮池水，一塔浴晴日。五色明朝曦，此是君家筆。
一塔晴曦放眼白無際，平疇一望中。撻撻鐵笛子，來唱玉玲瓏。
平疇積雪

城西草堂集詠

己巳

陳文田
硯鄉

小橋跨平波，泉聲自清澈。垂垂水楊柳，吹花白如雪。
山深寫塵鞅，時有長者輞。
小橋烟柳

江上多青山，青山在何處。何如面城居，女牆勢軒翥。
不知雲近遠，

時見帆來去。古堞響帆

農人告春及，扶杖去南陌。
莫惜黃犢勞，不耕草其宅。
爾田恐為石，南陌春耕。

水鳥拍拍鳴，低飛去平浦。
綠楊杳靄間，咿啞棹柔艤。
不見草屋人，年年自春雨。
西湖放棹

一亭時空際，高出百花頭。
皎皎上新月，衣縞神仙流。
招我鴛翠羽，衆香國中遊。
梅塢春深

芙蓉過朝雨，初日相掩映。
色蕊香味觸，於此見真性。
是諸法空相，不垢亦不淨。
蓮塘雨霽

修廊屋之西，甘蕉種成束。晨風盪清唳，涼露滴華珠。旁有二頃田，鶴糧已粗足。蕉廊調鶴

秋先秀雜落，采花須泛酒。黃鍾不可聞，新聲出匣舌。春些寒蛩鳴，
相將作重九。菊園吟蛩

課耕蟲課讀，書味清可飫。秋燈颺疏簾，涼夜不知曙。誰歎牧豕兜，
長記聽綈處。草堂課讀

但見烟中山，不見山中寺。夕陽去恩恩，暝雲初到地。林鶴忽驚起，
鐘聲破山翠。岳阜聞鐘

東南上朝旭，乍睹文筆峰。一鈴語天外，縹渺青芙蓉。金碧倏萬狀，

如雲之從龍。一塔晴暉

飛空散平晴，萬花共翔舞。暮陰展翠靄，參差畧可數。繙馬閨風顛，
前生到玄圃。平晴積雪

城西草堂十二景

俞寐澍汝良

領取名園趣，紅欄架小橋。晴承煙縹々，春縮柳條條。虹鬮穿雲卧，
鶯聲帶雨調。小奚扶我過，古寺誥南朝。小橋烟柳

帆影連雲影，依稀古堞隈。船真天上坐，人向鏡中來。御尾連檣下，
平頭一片開。滿園春色好，亟渡陽江梅。古堞宣帆

繫鉛勞且拙，何似老農家。陌上仍楊柳，江南正杏花。鳴啼春雨足，

犧叱夕陽斜，此趣軒冕煙霞氣味嘉。

南陌催耕

迤邐小湖西，湖光棹渺迷。來潮春水上，歸路夕陽低。
魚戲鷺鷥棹，虹飛跨柳邊。畫中客我坐，濃淡為君題。

西湖放棹

別有藏春處，梅花放處深。香清風入樹，影淺壑依林。掃徑留人意，
攀條送客心。珊瑚無俗韻，逸興快聯吟。

梅鳴春深

不受汙泥染，方塘別樣清。雨痕留宿暑，霽色快新晴。鸞鏡油雲洗，
漁燈灑火明。湖亭酣飲後，聽微棹歌聲。

蓮塘雨霽

廊迴蕉葉繞，馴鶴任飛鳴。院角半天綠，山坡四顧清。扇痕餘雨氣，
琴伴怯風聲。莫向揚州去，繁華夢易驚。蕉廊調鶴

為訪西園菊，未聽四壁蛩。閒情尋老圃，何事許秋風。感我三杯後，驚人一夢中。書聲連夜和，燈下聚兒童。菊園吟蛩

秋宵勤課讀，草舍自天然。架上書千卷，城西屋幾椽。清聲振金石，
逸響出林泉。牧鑒欹窗聽，前賢哲後賢。草堂課讀

岳埠巍然在，晴天樹色濃。英雄千古夢，流水一聲鐘。勝地今馳嶺，
靈山憶鶯峯。倚窗聽愈寂，如有白雲封。岳阜聞鐘

高出眾林表，閑門入望中。春回雲樹綠，日上海天紅。遠鷗生熟靄，
餘寒送暖風。齋州烟半幅，飛檻入晴空。一塔晴曠

試向西疇望，紛紛降雪寰。天心隨處戴，地勢霎時平。跡淺鴻猶印，

寒深鶴亦鳴，梅花應約我，快踏趁初晴。平疇積雪

城西草堂十二景

田寶臣少泉

一片兜羅綿界，萬縷金纏衣藏，路轉纔知略約。春初蠻見游韁。小橋煙柳

望裏脩廊曲折，閒中老鶴勾留，見說武昌樓上，今宵玉遂生愁。蕉

廊調鶴

轉來昨聞遼海，梓雙萬舸為雲，却愛_都一角，片帆婀娜斜暎。吉

漾雲帆

老圃黃花蕭淡，箇中真意誰參，都是王孫絮，秋懷頓滿江南。菊

國吟鑑

脫却布綺叱犢，低遮笠子耕田。不用治聲社酒，但看燒筍厨烟。
南
陌催耕

未耜一經已熟，唐虞二典猶存。夜看滿天霜月，浩然清氣乾坤。
草
堂深讀

西湖草堂春雨，風流文物俱湮。鴨觜船兒放櫂，蛾眉月子依人。
西
湖放棹

空際鍾聲繚渺，隨風散入青冥。鄂渚波濤正惡，旌旗想見王靈。
岳

阜闡鐘

皓然萬株晴雪，和風吹滿春山。世外桃源難得，先生梅塢深闌。楊

鴟春深

孤塲亭亭上，新晴樹樹端。便是詩情畫意，何湏高出長干。一
塲晴賦

鴻鵠眠未幾對，鶯鶯飛起一隻。本自色香俱淨，况逢雨後開窓。蓮
池而霽

夜聽風聲豪玉，晨看萬頃瓊瑤。便跨蹇驢踏去，更無人過朱橋。平
曉積雪

晴積雪

城西草堂十二景

顏鑑澄 銳夫

名園柳色映青溪，是處流鶯不住啼。幾日東風寒食近，綠陰遮斷

畫橋西。小稿烟柳

女牆漠漠淨無埃，一角春雲護碧苔。帆影隔城空外見，知隨細雨

過江來。古樓書帆

我訪城西隱君子，一路桃花半溪水。桑麻鶴犬自成村，有人叱犢

斜陽裏。南陌唯耕

花園小艇紅疑濕，漲滿平湖綠漸肥。蘭槳輕遙菱鏡去，一隻溪鳥

傍人飛。西湖放棹

藏春閣裡梅千樹，綠萼梢頭不知數。省識韶光就裏深，香風一陣

亭西路。梅堦春深

銀塘歛灔灔輕波，初日芙蓉照檻多。何處清音喧雨後，紅欄杆外採蓮歌。蓮塘雨霽

芭蕉種向廊廻處，野鶴長調學鳳翥。綠天好與護霜翎，任爾花陰自來去。蕉廊調鶴

一聲蛩語一分秋，黃莉香中雅韻流。恰使人間竽笛耳，銀缸畫燭轉歌喉。菊圃吟蛩

才識插架總瓏玲，課子涼宵汗簡青。斗轉參橫更漏永，草堂燈火尚荧荧。草堂課讀

黃葉經霜多自落，鹿眼雜疎氣蕭索。岳家山上暮鐘聲，宛帶斜陽。

下高閣。岳阜聞鐘

木末亭齊石塔尖，朝暾煜爚鏡開鑑。惜花早起憑欄候，風送鈴音落畫檐。一塔晴曉

六出宴孤飄玉屑，爐背尋詩境清絕。相逢韻欲闢，尖叉移本溪山

明積雪。平疇積雪

城西草堂十二景

顏磨山 狀名

千株楊柳短長條，綠浸橫塘影欲描。遊客何須尋古渡，烟波深處有紅橋。小橋烟柳

高低難擋。擁窓前到眼，雲屏面面懸。更愛牙檣隨路轉，一帆風正夕陽天。古樓宣帆

關心春雨課農功。元亮柴桑遺興同，寄語田家勤叱犢。敦耕好趁杏花紅。南陌催耕

瓜皮艇子亂蓀蒲，一帶清溪入畫圖。前簷風流裙屐杳，遺踪尚說小西湖。西湖放棹

百花頭上露亭臺，綠萼紅英綻。嬌開底是春風消息早，年年先向此中來。梅鳴春深

晴雲片片護蓮塘，映日芙蓉別樣莊。莫遣紅兒奏歌管，怕驚隔圃

鴉鶯鶯。達塘而齋

芭蕉數尺綠陰涼，舞鶴翩翩繞畫廊。不用更衝宵漢去，此間有伴即仙鄉。蕉廊調鶴

涼宵有客聽秋聲，黃菊開時蟋蟀鳴。正是酒闌人靜後，蕭疏雜落一燈明。菊園冷蛩

青燈不負少年心，課讀潭忘夜漏沈。蠹簡披吟憑玉案，那知門外落花深。草堂課讀

名園遙傍岳家山，聽到鐘聲隱約聞。想是白雲遮不住，任他幽韻下松關。岳阜聞鐘

不須海外訪蓬萊，一塔橫空萬象開。山客自眠鳴鳥喚，朝暉紅上
曉窗來。一塔精曦

玉屑霏霏遍野鋪，平疇一帶路模糊。主人若仿王摩詰，應寫芭蕉
雪裏圖。平曉積雪

陳金詔觀心室詩存，有和顧睂山咏菊原韻詩。

城西草堂十二景

雪 笙

西園好，烟柳小橋西。亞字紅牽遊客袂，長條綠拂釣魚磯。烟雨半
羞迷。小橋烟柳

西園好，古堞倚雲帆。仙女廟東低暮雨，蓮花池北却晴灣。風飄夕

陽間。古牒案板

西園好，南陌早催耕。千樹桃花紅錦簇，一犁春雨綠蕪平。何處叱牛聲？南陌催耕。

西園好，放棹小西湖。一艇去尋曾約客，半篙鳴起鏡中鳬。飛入綠菰蒲。西湖放棹。

西園好，梅鶯正深春。繞屋梅花香似海，泥人詩境酒如津。貪賞醉芳茵。梅鶯春深。

西園好，雨急霽蓮塘。亂葉低翻樽酒綠，萬花輕漾客衣涼。人轉愛斜陽。蓮塘雨霁。

西園好，雙鶴舞蕉陰，白雪舒翎。新入畫，綠雲滿地，合眠琴。最樂步

苔岑。惹廊調鶴

西園好，菊圃聽蛩吟，絕塞悲醒千里夢。搗衣人耐五更心，無賴漏

沈沈。菊圃吟蛩

西園好，課讀坐深宵，掛壁古琴囊裏錦，橫窗寶劍氣千宵。紗帽換

魚樵。草堂課讀

西園好，岳阜曉鐘清，纔共繁霜飛木杪，又催殘夢集鷄聲。百八數

分明。岳阜聞鐘

西園好，古塔照晴暉，傑角鈴聲風料峭，隔江山色畫參差。濡筆泮

宮池。一塔晴曠

西園好，積雪滿平疇。招客鶴來雲有路，尋梅人醉酒盈甌。吟白幾人頭，平疇積雪。

按觀心室詩存有贈僧雪笠詩曰：北山高卧傲公卿。則雪笠分明北山寺僧也。又詩存中有過鐵柱宮贈雪笠禪師詩，則雪笠又曾住鐵柱宮矣。

客春過城西草堂寄懷一律

林退菴佚名

水繞溪橋樹繞籬，結茅雅與四時宜。香風不斷花爭放，綠蔭新交竹乍移。物外遊觀開畫本，眼前世思總流珠。多君無限栽培意，春滿園林草木知。

尤柳村招同康伯山頽齋山譙集

陳金詔 叔度

園林風雨敞華筵，如此樓居骨亦仙。
絳繹和詩添著作，頻頻招飲極縹綿。
人皆欲殺鷺前叔，君獨博才訂後緣。
近日南中傳勝事，酒星長傍少微邊。

酒半登樓看好山，扶筇如到畫圖間。
百年文獻推先進，伯山同調先生同調
風流見一班。四賓止舊雨竟空佳客約，廣陵有消寒遙憶老僧閒。
約不至入林欲索梅花箋，索句梅花正解顏。

遊城西草堂留飲賦贈

洪江保
謝江

朝往城西門，暮蒲夾歧路。
遙指密蔭中，桂蘿環竹樹。道是名士廬。

大隱成小住。故槁卧清波，野色帶烟霧，引人入勝境。下輿試徐步，老僕歎柴闌，遠客累禮數，曲徑通長廊。流泉駛瀑布，奇芳常四時，佳景自朝暮。一屏矯鳥飛，兩部鳴蛙怒。藕花紅笑人，蕉陰碧留句。壁上明約束，來游重樣素。主人清且奇，歡然爭道故。出世不避世，早抱烟霞痼，頭銜賤泥滓。心境沉寤悟。主人著有移居寤悟詩離鳳氣已清，代君理煩務，息肩可息肩。增有新詩未此謝馳鶩，滿壁皆琳瑯。登高衆能賦，主人稟成冊。出示足傾慕，縱談景已晡。盤核列饒裕，豪飲酌大斗。杯盤列參互，汗流正炎酷。頗為趙盾苦，清風倏爾來。電光簾隙度，輕雷打破雲。夏雨逐人雨，高樹歸早涼。殘暑掃洮澍，相攜

登茅亭，四顧空蹲踞。天外垂長虹，五色光燦護。仰睇添詩情，於此
得佳趣。須臾疊暮色，炊烟遠微茫。林於起深黑，翁蔚生恐怖。拾級
下危坡，宿鳥鳴偃仆。主人勤留賓，相勸且暫駐。後約留黃花，秋風
記取赴，呼僮且送客。燒燭出畫廊，醉中露疏狂。大笑出門去。

遊城西草堂留飲賦贈

李嘉賓
鹿樟江都

憶昔遊海陵，十五年於茲。平生少嗜好，游覽暨文詞。幕府饒清暇，
登臨多縱恣。城北繆氏園，往往獨尋詩。燕巢覓故壘，舊夢已披籬。
丁亥戊子客海陵，側闖西郭偏，新聞草堂奇。地僻即怡情，村落自
解暑。去春復至。

凍萼，蘿菊傲霜枝。不辭數里遙，偷閒常相窺。維時炎歎退，訪秋動
遐思。太原賢昆玉，同人于野嬉。冒雨出空翠，藍輿疾若馳。主人掃
徑待，始識荊州姿。清言談娓娓，鸞鶴不受羈。梅戰連敗北，觴波塵
告疲。紅蕖浮四壁，碧洞泛深卮。飲少輒入醉，酒後步傾欹。山亭舒
遠眺，斜陽雜蝶移。徙倚傍水際，風荷香影飭。倏忽夕霏收，涼蟬噪
參差。歸途暮鐘動，山寺晚烟炊。嗟余難久留，欲往邗江渭。安得買
鄰居，林下結茅茨。

東坡生日集彌陀菴暢談感西

丁應耆半村

高人築菟裘，偷閑來小住。獨自運匠心，精神全灌注。冰雪淨聰明，

四時尋樂趣，嬉嬉尤延之。
潇洒真天賦，城西闢草堂，引流種竹樹。
良田數百畝，環繞勢交互。鷄鳴犬吠聲，耕作無驚怖。
漁郎許問津，疑入桃源路。朔風凜冽寒，積雪壓冰汎。
六出舞飛花，平疇迷指顧。豐稔兆來年，造物原有數。
銀海玉樓合，坡仙留好句。主人逸興豪，
爲公祝初度。折簡招同人，僧舍我亦赴。
是日集院落，滿座集名流。今朝喜會晤，清言玉屑霏。高談及世故，得閑時未向。
老矣難攀附，推窗坐遠山。大地皆粉素，羨酒集佳餚。
稱觴抵日暮，明月出東山。曰歸

緩緩步。

題白鶴竹上

興名氏

十畝地，數椽屋，萬種花兮百竿竹。池水迴環曲折深，小山高阜周
遭築草堂，結構精且嚴。惹得遊人日馳逐，世人都以僂為真。吾亦
何為守直而不彌。

偶步城西草堂口占四絕以誌遊觀一快 朱綬印堂

紅槁西畔敝林邱，烟樹迷離翠欲流。恰好春風秋月裡，一庭詩酒
話清幽。

數椽精舍構來真，鳥語花香觸遠塵。爭似蓬萊仙世界，於中憩息
養天真。

草堂點綴勝城東，流水灣環曲徑通。直上亭臺憑試目，四圍邱壑

在胸中。

十年不到吳陵地，一到吳陵暢古歡。
羨煞名園堪入畫，時攜伴侶樂盤桓。

丙午春仲留句

韓鐵嶺崖

為訪名園日未曛，樂哉斯境絕塵氛。
樹氣入耳疑成雨，花影當窗欲化雲。
路過紅橋三徑曲，溪藏綠水一船分。
輞川勝地真相似，摩詰誰知即是君。

丁未遊草堂步王西州韻

徐桂齋小庵

的是非常境，幽懷寄此中。
疏窗寬受月，高閣絕經風。
春到花齊發，

樽攜酒易空，如雲未勝友，一葉小溪通。

丁未春同人攜酒再遊草堂

王樹基 西州

我攜一斗酒，來遊日正中。鳥聲稠綠樹，蝶翅闊東風。籬矮花都露，亭高眼倍空。夭桃紅灼灼，恍與武陵通。

丁未再游草堂步王西州韻

韓鐵嘯崖

三五芝蘭友，重過別業中。歸禽呼暮雨，隄柳拜春風。詩艷花爭吐，樽開劍躍空。隨時須洒脫，不必感窮通。

同西州嘯崖過草堂再步西州舊韻

徐桂馨 小庵

漸余滯迹海之隅，此子豪情一概無。每向客途關放步，不知人世

有平湖，傾心欲訪群仙境。妙手難描此畫圖，邀得朋儕三兩輩，偷閑小酌酒頻沽。

戊申六月十一日看荷留贈

王鴻業雪帆

自春徂夏，寒暖曖晴，日晝長陰苦短，欲雨而雨，雨為淫，欲晴而晴，晴復旱。昨交暑月已一旬，不熱直為秋與春，何怪披裘有扇子，傾盆幾日昏與晨。忽而天公放晴霽，雨師風伯無停滯，暢好光景一番新，看山那復重門閉。城西居士人中豪，折柬招呼皆仙曹，賤子欣然叨座末，草堂謾謾走松濤。菡萏幾枝纔畧放，游魚喫喝添新漲，萬樹青沐搖青蒼，百花頭上恣遙望。周君別駕本風流，謂州佐

先方叔盛名孰與儕

謂守府方吾師雄談貫今古
連侯先生
席談論不休

席談論不休

先

繞座惟有烟雲浮，未聞高柳一蟬噪。鷺鷀鶴飛鳴幽，主人胸中
具邱壑。城市山林久寄託，難兄同是英偉才。雅懷不插城中脚，吾
鄉清響已落寞。西湖春雨亦荒涼，君今闢地得十畝。高情愛客即
鄭莊，酣歌我欲振林木。花徑許我頻來憩，歸去夕陽挂樹梢。溪橋
一路多樵牧。

己酉十月攜孫來秦院試由松林庵過訪西園留句

屬同轂茶心

野廬行不遠，携手入林園。門荒樹荆棘，四圍倚作樊。繞坡見板橋，

流水亦止喧。矮矮數茅屋，修修幾石盆。雜樹半凋謝，寒花已無存。
曲城地空濶，桑麻自成村。斜陽逗艷影，明月邊涼痕。徘徊得幽趣，
曠然淡忘言。奚必待梅花，亭上來開樽。

集一首。

先生著還珠堂集，見儀徵吳蓮芬螺金詩存，有讀屬茶心太守還珠堂

披學冊，道光二十九年己酉閏四月科試，三十年庚戌十月歲試，足證己

酉係庚戌之誤。

己酉暮春雨後過從

陳希仲扶名
揚州

帶水拖泥後齒肥，到來殘雨尚沾衣。門從垂柳陰中入，花傍斜陽

紅窗飛，顧我已成泉石癖。問誰真覺利名非？主人可惜不相識，遊
羅明，朝鼓棹歸。

庚戌冬日再過草堂口占

陳希仲佚名

經年重訪幽人宅，記得橋西路一條。童子相迎不相識，烹茶旋拾
樹枝燒。

折薪國裡認鬚眉，想見風懷與俗違。多恐嶺頭春色到，梅花應後
主人肥。

清流幾曲繞籬笆，紅板橋西日半斜。如此雲林國畫裏，前村誰是
酒人家？

空庭暝色冷吟肩，聞據胡牀得小眠。
忽聽亂鶴聲過耳，隔谿茅屋起炊烟。

按庚戌條道光三十年是年十月歲試。

草堂留贈二絕

陳廣德或孚

平蕪剪々綠茸茸，碾遍香車一望同。
最是游絲徐颺處，垂楊無樹不春風。

壁間題字盡龍蛇，菡萏蜻蜓句足誇。
倘和文翁寫春景，多箇濃綠染桃花。

撻晉輓室詩存有和陳茂亭醉後過家柳園詩。

甲寅季夏四日草堂留飲賦贈

周鑄江都

盛宴開當盛夏時，芰荷池上放枝枝。
不圖烽火戎兵日，猶見風裳水珮姿。
嘉味旨多教客醉，吟情寥落喜花知。
連朝梅雨剛新霽，好景真從畫裏披。

君有蓬塘
新霽

主人雅意勸深杯，招得名流逐隊來。
白石朗吟香艷冷，杜陵高詠水亭開。
新茶倍愛浮晴沼，雅集何緣具厚醅。
歸去斜陽猶未晚，詩心不待雨聲催。
是日晚
雨大

先生著章江遊草，見儀徵吳蓮芬半蝶龕詩存，有題周篤雲歸章江遊草

詩後一首。

按甲寅係咸豐四年時揚州已於三年二月二十三日失陷九月兩淮運使改駐泰州十一月揚州收復六年三月揚州又陷詳府志事畧。

再題城西草堂五律五首

周鑄篠雲

十畝饒佳景，如探宛委書。烟霞環謝墅，松菊茂陶廬。仙侶逍遙鶴，天機活潑魚。平生耽竹石，思就此中居。

閻峻循梯上，岩深逐步移。尋芳迷鳳子，接葉護鶯兒。曲折橋三板，澄清水一陂。四圍林翳擁，不假枳編籬。

古木森千尺，奇芳吐異姿。有花皆助飲，無景不撩詩。把卷親燈影，扶犁趁雨絲。儒生敦本計，珍重課耕期。

雅集西園盛，叨情東道長。酒香流琥珀，茶碧鬪旗槍。
世變嗟浮梗，虛緣嘆熟梁。當前行樂好，不羨蒂斯皇。

創造從新歲，經營歷有年。將軍鮮介胄，高望養林泉。
梅塢開香國，蕉窗種紙田。姜肱圖繪出，展讀一欣然。

題詞

周鑄篠室

林深草密城南路，幽棲別饒烟景。流水橋通修篁逕，曲宛爾小山。
招隱樓臺光影，喜池水澄泓。天光相引，拾級崇岡。百花頭上快游
騁。玲瓏邱壑掩映，借林於作衛。牆砌都屏，課子留賓。催耕學圃，
應識主人幽興。琅詞味永，祇片刻留連。探尋難罄，為語辭兒。認文

章妙境。

續纂揚州府志，人物文苑載，周鑛字在東，遠條雲，諸生續學工詩，游其門者，成就甚衆。嘗應浙撫劉文節公之聘，徜徉六橋雙峰間，題詠益富。著有搜吉齋詠物詩，四時雜詠，章江遊草。子光祖，廩生；先旌，道光十七年拔貢。

咸豐元年舉人

城西草堂招飲即席賦贈

張慶瀾
秋舫

延賓東閣憊開筵，吟興何曾減昔年。我輩詩才輸杜老。
座中吟咏康伯山廬主人丰格本逋仙，全憑春雨通消息。好與梅花訂夙緣。今夕遙知揮塵處，只談風月不論錢。

天公有意釀春寒，一帶花香繞曲欄。
着破青衫徒自憇，吟來紅豆有餘歡。
樽開北海遼張儉，鶴步東山憶謝安。
知否幾生修得到，此間未許俗人看。

城西草堂謙集

田寶臣少泉

炎風吹礮雲，一雨得清暑。
換鞋入市衢，如餚初出脯。
高軒極道過，兩度失躬俯。
虧聞草堂成，苦蓋入告新。
浦荷香出山治，蘿薜復低舉。
十年種樹功勞些，山林主肯酒娛親賓。
更迭貴樽俎，人生百齡間。
皴漆遽縑縷，烟雲閱更多。
遲暮心逾苦，昨日郊南壘。
戈戟謀弓弩，彤雲照太虛。
猛將驅羆寇，煩憂曷可濟。
得些話亭午，文翁兄事

人鬚髮得一睹，孔璋舊中表。萬里在雙履，亦有湯患休。
談禪識初祖，勝地作小留。流光疑足撲，主人用世才。
閑中惺松麈，烟波曠世情。詩意溢肝腑，頗愛釣石寬。
涼風透西簾，行當着屐來。幸勿煩珍脯。

偕許文奉過西園

田寶臣少泉

小結城西屋數椽，雨餘風物倍暄妍。纔經幾日停紅燭，又買長松
結翠烟。着手春教人迤邐，出山雲已路三千。謂據玉桔槔，響動疏
籬外，便覺池塘雪水連。

不須丹堊更飛椽，春水船成局。傍妍山石自宜添虎豹，林篁全與

蓄雲烟，陰晴擇待長來往。氣象頻看有萬千，最是周遮屏障好。女
牆帆影日連連。

招看桃花之作

田寶臣少泉

一曲清流萬樹花，花光灼灼水如霞。衣香散後人初靜，雲葉開時
月正華。烟漫都將銀海眩，昏黃還有玉醴斜。金樽畫燭留連夜，得
似清豪史幾家。

招看牡丹之作 盒前

田寶臣少泉

前日西園名看花，那知宅第更雲霞。天香國色人爭繞，畫閣雕欄
氣愈華。微雨略教加愛護，濃粧都不太欹斜。琳琅醉墨知非俗，碧

是歐家紫巍家。

題城西草堂六言十二首

田寶臣少泉

杜樊川晚晴賦，文與可洋川圖。不要水雲千頃，森然戈甲萬夫。
淺水深水一路紅白俱開，借問元都道士，羨花何似天台。
雙槐側立籬畔，俯首如是相容，多少青驥蹀躞，到門先使人恭。
賓土遠邇崩岁，栽花薈蔚繡櫻，待得諸天香滿，來參上乘禪心。
池上眠羊一個，喧呼白石道人，借問初平何處，全華山裏千春。
桑徑僅湏十載，參天已是扶疏，苦愛涼風六月，隔溪遙聽繅車。
梅雨霏旬著屐，登高俯視郊原，萬壑烟雲俱活，再來欲覓無痕。

春到二三月好鳥啼千百種多，谷谷姑姑滑滑，架犁割麥插禾。

堂下蒼髯特立，山陰白水周遭，紅燭燒殘月皎，請君來聽桔槔。
風起微波欲斂，纖鱗萬隊成行，此地何殊濠上，其人便似蒙莊。
何氏園中杜叟，習家池上山公，花裏相逢酒盞，林間催遞詩筒。
東坡生日返棹，香山生日登車，箋我菟裘何處，胸中雲海無涯。

題尤柳村南郭催耕圖

陳金詔本度

柳村新葺午橋莊，梅花開處春風香，有時策蹇自徜徉，奚奴後負
一詩囊。銜雲丈人魯靈光解組歸來卧柴桑，收取雄才入詞章，尺
幅歛盡萬丈芒。白頭兄弟壽而康，友于之樂樂未央，催耕偶到雲

水鄉繪圖紀事古裝潢。命我作詩追儲王，置身如在碌碡場。布穀聲，喚插秧。丁卯槁邊稻花揚。豚蹄但祝豐穰。四野遍覆黃雲黃，全風瑟瑟天氣涼。枷板響處謀蓋藏。方廩圓積千斯倉。甕頭釀熟嘯兒觥。有肉在豆酒在觴。兒童趨之羅椒漿。篝燈課讀音琅琅。短歌微吟餘味長。如此纔足傲羲皇。我亦飢驅老頹唐。買田欲學東坡狂。恨不扶犁侍公旁。城南城北遙相望。何時臨風一翹翔。枯管先將詩債償。秋來定築耦耕堂。

先生著觀心室詩存，此詩已刻入集中。

柳村招同後雲伯山禹丈西園觀荷

趙瑜漁亭

池波漱灑畫橋東，千朵參差漾午風。記取花時好顏色，重來都覺可憐紅。

新詞曾唱秋蓮子。時王西御郎城死難，秋蓮子西御調橐名。卻對蓮花一愴神，莫更尊前問時事。白頭尚有未歸人。

此詩從晉魏室詩存抄入，蓋是時已居揚州失蹤後。嵩注

琴川從古以五月十五日為大端陽，是日招同馬石樵

曉陳六舟龜吳讓之康伯山沈旭庭李冰叔城西草堂

雅集二首

趙瑜漁亭

白社曾開辰重九，

甲辰年，吳幼蓮招集湖上草堂，黃樓亦喜聞中秋，壬戌秋閩東

心誰如今歲端陽節更作平原十日留道子虛心搜掌故，武功垂老感風流繪圖捲續羅浮勝。仲海會圖紀事妙筆還推馬少游。石

畫

蒲綠榴紅酒一卮，嫩晴天氣卻相宜。世間幾事能從古，我輩偷閑且賦詩。金鼓喧闐爭渡處。龍舟猶管絃伊亞賽神期。是日浴山中別有攢眉客，物換星移總不知。

同人過尤氏西園小飲

並序

高爾虞

辛仲

西園者尤柳村先生之別墅也。自先生歸道山，園就荒穢。迄今二十餘年矣。嗣君海樹葺而理之，甚勝事也。日來誅茅補屋，畚

築方新，余屢過之，欲留飲而未果。適司事者承主人意，屬余頽其松間小闌。余以松闌二字應之，並以一邱一壑四字，榜於松闌之陽。緣左有桂嶺，右有荷塘也。司事者感余意，招集小酌。余挈沈洛亭、王岫生、趙明湖、顧心權、翟治良、釋雲溪諸人偕往。時甘霖初沛，眾情欣悅，為之吟賞者竟日。

幽僻城西路，名園拊郭開。廿年傷蘚草，此日剪荒菜。邱壑有新意，松篁還舊裁。從來賢子弟，不廢好亭臺。

一雨惟情洽，招邀各盡觴。小紅明遠樹，空翠撲虛堂。對酒思蒸瓠，開軒喜面揚。不須堅後約，幾日又端陽。

換學冊，高爾康同治二年癸亥入學。

印後記

客歲春三月，家君七十壽辰，余婦自滬上捧觴為祝，暇讀所為日記，中多撫時感事之什，當請整理付梓，因別以城西草堂詩文一冊授余，且曰：「此余民國三十年所編，中有爾先曾祖小鄰公等唱和詩，可先以此付印，以傳先人手澤，兼為鄉土文献之助；且此草堂也者，自三十年毀於兵，至三十四年秋，抗戰勝利，吾邑大軍雲集，炊爨所需，草堂四週及因樹圍竹木，重遭砍伐，大好園林，除破屋三楹，老桂數株外，祇邱壑依然耳，鄉人且就其故址，闢畦種菜，回首前塵，何限滄桑之感！若無此冊以傳，則後之人或將不

知有所謂草堂者矣。余謹受命，攜之滻瀆。為珍存。家君手蹟，乃
託表弟徐忠誨君代抄副本。秋九月始成。時大陸板蕩，中原鼎沸。
余奉調旅次鄭州，苦無鉛印，遂以石印代梓。謀情名家，挺刀一時。
難於物色，欲別雇抄胥，又恐不足仰副。家君之意，乃親為賸錄。
雖書法粗拙，重以家君手編，其意義或有勝於他人之為之也。
先是余攜是冊，傳滻時，家慈尚在堂，意者冬臘毒衣前，當能印
就，携歸獻壽，詎知昊天不弔。同年十月二十八日，家慈竟棄養
而長逝。余以應訊遲滯，不獲言歸一訣，致成終天之恨，可勝痛哉！
迨奔喪後返鄭，絕世俗往還，乃得以其餘閑，恭書付印。凡三閱月。

藏事。自惟謬陋無文，爰畧誌始末如上。中華民國三十六年三月。

十二日，江蘇泰縣程大千時客鄭州旅次謹識。

